

# Pagkinabuhi nga Cristohanon



**Kini nga libro iya ni:**

---

# **Pagkinabuhi Nga Cristohanon**

Usa ka Kurso alang sa mga Bag-ong Magtotoo

(Gisugyot sa mga edad grade 3 – grade 6)

Sinulat ni Mary Lou Canata

Printed by  
Foursquare Missions Press

Copyright © 2005

# ANG SULOD

<b>Leksiyon 1</b>		
	Ako Cristohanon – Unya Unsa na Man? <i>(Pagtubo diha sa Pamilya sa Dios)</i>	<b>6</b>
<b>Leksiyon 2</b>		
	Magkinabuhi Alang kang Jesus <i>(Ang Adlaw-adlaw nga Kinabuhing Cristohanon)</i>	<b>11</b>
<b>Leksiyon 3</b>		
	Pagbasa sa Imong Biblia <i>(Pagbasa ug Pagtuon sa Biblia)</i>	<b>15</b>
<b>Leksiyon 4</b>		
	Pakigsulti sa Dios <i>(Kinabuhing Mainampoon)</i>	<b>19</b>
<b>Leksiyon 5</b>		
	Ang Dapit sa Pagsimba <i>(Kinabuhi Diha sa Simbahan)</i>	<b>23</b>
<b>Leksiyon 6</b>		
	Pagsulti sa Uban Mahitungod kang Jesus <i>(Pagsulti sa Maayong Balita sa Uban)</i>	<b>28</b>

## WELCOME SA PAMILYA SA DIOS



Dili ba malipayong pagbati nga ikaw nasakop na sa Cristohanong pamilya sa Dios? Miyembro ka sa Iyang pamilya ug kanunay ka nga masakop sa dihang motuo ka kang Jesus ingon nga imong Manluluwas, motuman sa Iyang Pulong ug mogahin ug panahon nga makaila pa gayod Kaniya.

Nasakop sa pamilya sa Dios ang mga batang lalaki ug babaye, batan-on ug mga edaran. Kitang tanan managsuon. Ang Dios mao ang atong langitnong Amahan.


Ang pagpangayog pasaylo sa imong daotang binuhatan nagpasabot nga gipasaylo na ug gikalimtan na ang imong nangaging mga sala. Ang kapasayloan mahimo lamang tungod kay si Jesus namatay sa krus alang kanimo.

Ingon nga Cristohanon ug sakop sa pamilya sa Dios, naghandom Siya nga ikaw magkinabuhi nga magpahimuot Kaniya. Uban sa Iyang tabang, makakinabuhi ka nga kahimutan sa Dios diha sa panimalay, eskuwelahan, simbahan, ug sa dulaanan—sa tanang dapit.

Kini nga libro makatabang kanimo nga mahibalo unsay ipabuhat sa Dios kanimo. Ingon nga sakop sa Iyang pamilya, makat-on ka usab unsaon pagpahimuot ug pag-alagad kang Jesu-Cristo, nga imong Manluluwas ug Higala. Motubo ka nga malig-ong Cristohanon.

### Tun-i kining bersikuloha:

"Ug mitubo si Jesus sa lawas ug sa kinaadman, ug gikahimutan siya sa Dios ug sa mga tawo." Lucas 2:52



Drawing ang imong kaugalingon sa kuwadro!

Ako si \_\_\_\_\_, midawat  
(imong ngalan)  
kang Ginoong Jesu-Cristo ingon nga akong personal nga  
Manluluwas sa \_\_\_\_\_ dinhi sa  
(petsa)  
\_\_\_\_\_  
(dapit)

Ngalan sa nag-ampo uban nako:

\_\_\_\_\_

Sa dili ka pa mosugod...

Andama ang imong

Biblia

lapis ug papas

dictionary





### *Unsaon paggamit kining libroha...*

1. Gamita kini nga libro uban sa imong Biblia. Ang bahin sa Kasulatan gikutlo gikan sa Maayong Balita Biblia.
2. Pag-ampo nga tabangan ka sa Dios sa imong pagtuon.
3. Paggahin gayod ug panahon. Basaha una ang leksiyon, unya buhata ang worksheet.
4. Basaha ang matag pangutana ug isulat ang tubag.
5. Tun-i ug sag-uloha ang mga bersikulo diha sa matag leksiyon.
6. Inigkatapos, ihatag sa magtutudlo ang imong libro. Ibalik ra kanimo ang libro.
7. Hiposa ang imong libro para sa sunod nga pagbasa ug pagreview.
8. Ipakita sa mga higala ang imong natapos na nga libro.
9. Padayon pagbasa sa imong Biblia, pag-ampo ug pagkinabuhi alang kang Jesus.





## **Leksiyon I** **AKO CRISTOHANON—UNYA UNSA NA MAN?**

Daghang mga tawo ang dili siguro kung Cristohanon ba sila, apan ikaw makasiguro. Sa dihang nangayo ka ug pasaylo sa imong daotang binuhatan ug nagsulti kang Jesus nga Siya buot nimo nga mahimong imong Manluluwas, ikaw natawo pag-usab—nagpasabot nga nasakop ka sa Iyang pamilya. Gibuhat kini sa Dios tungod kay mao kana ang Iyang gisaad. Dili mamakak ang Dios. Basaha ang mahitungod sa Iyang saad (Juan 1:12).

Karon nga nasakop ka na sa pamilya sa Dios, kinahanglan motubo ka sa espirituhanong kinabuhi ug mahimong lig-ong Cristohanon. Mahitabo kini kon ikaw magtuon sa Pulong sa Dios ug motuman sa ipabuhat sa Dios kanimo, ingon nga Iyang anak.

Ang Dios dili kanunayng mahimuot sa atong mga buhat, apan sa gihapon kita Iyang gihigugma ug tabangan nga mobuhat sa husto ug makapahimuot Kaniya.

Ang "sala" maoy laing pulong alang sa pagsupak. Sa dihang makasala kita, sakop gihapon kita sa pamilya sa Dios tungod kay ang Dios andam nga mopasaylo sa dihang mangayo kita ug kapasayloan.



Ang Dios nagsulti diha sa Biblia unsay atong buhaton aron makapahimuot Kaniya. Malipay kita kon motuman kita sa Dios, ang atong Langitnong Amahan.

Pangitaa kining mosunod nga mga bersikulo diha sa Biblia samtang imong tun-an unsay ipabuhat sa Dios kanimo ingon nga usa sa Iyang mga anak.

1. Higugmaa ang matag usa, bisan ang imong kaaway. (Mateo 5:44)
2. Ipakita ang kaluoy sa matag usa. (Efeso 4:32)
3. Pagkat-on nga mopasaylo sa uban. (Lucas 6:37)
4. Tabangi ang uban. (Isaias 41:6; Galacia 6:10)
5. Ayaw pangawat. (Exodo 20:15)
6. Ayaw panikas. (Hebreo 13:18)
7. Ayaw pamakak. (Panultihon 12:17)
8. Tumana ang inyong mga ginikanan. (Efeso 6:1)
9. Pagmatngon sa imong sulti ug buhat. (Lucas 6:31)

Inig-adto nimo sa langit dili ka na maningkamot nga mahimong maayo. Didto sa langit, wala nay pagtintal ug wala nay sala. Hingpit na ang tanan didto. Makig-uban ka sa Dios ug sa Iyang pamilya sa kahangtoran.

## **UNSAY IMONG NAKAT-ONAN GIKAN SA IMONG GIBASA?**

**I. Giunsa nimo pagkahibalo nga Cristohanon ka?**

---

---

---

2. Kopyaha gikan sa Biblia ang I Juan 1:9.

---

---

---

3. Linyahi ang sayop nga pulong/mga pulong diha sa matag sentence.

*Supaka, tumana ang inyong mga ginikanan.*

*Pakigbahin sa wala, uban.*

*Pagpakita ug kaluoy sa pipila, matag usa.*

*Higugmaa, dumti ang imong mga kaaway.*

4. Lingini ang hustong tubag.

*Gihatag ba sa Dios ang Biblia aron atong sundon?*

Oo                  Dili

*Gisugo ba sa Dios nga tumanon ang Biblia?*

Oo                  Dili

*Mahimuot ba ang Dios sa atong gibuhad?*

Oo                  Dili

*Pasayloon ba kita sa Dios sa atong daotang binuhatan?*

Oo                  Dili

*Buot ba kitang tabangan sa Dios nga motuman Kaniya?*

Oo                  Dili

5. Isulat ang imong ngalan sa mga blangko.

Kay gihigugma pag-ayo sa Dios (si) \_\_\_\_\_

ug tungod niini gihatag niya ang iyang bugtong Anak,

aron (kon si) \_\_\_\_\_ motuo kaniya (si)

\_\_\_\_\_ dili mamatay, kondili makabaton

hinuon sa kinabuihing dayon. Juan 3:16

6. Ang laing pulong sa sala mao: (Linyahi ang hustong tubag.)

PAGTUMAN                      PAGKAMALDITO  
DAOTANG BUHAT              PAGESUPAK

7. Mahimo bang magkinabuhi ingon nga Cristohanon bisan asa ka?

Oo                      Dili                      Tingali                      Usahay

8. Kinsa si Jesus? Pangitaa ang tubag sa I Juan 5:5.

\_\_\_\_\_

9. Nganong namatay man si Jesu-Cristo sa krus?

Basaha ang I Corinto 15:3.

\_\_\_\_\_

\_\_\_\_\_

\_\_\_\_\_

10. Sa dihang misupak ka sa Dios, unsay imong buhaton?

Basaha ang I Juan 1:9.

I \_\_\_\_\_ nato sa Dios ang atong mga sala ug  
ang Dios. M \_\_\_\_\_ sa tanan tang  
mga sala.

11. Aniyay bersikulo sa Biblia nga nagpamatuod nga kita  
adunay kinabuhing walay kataposan didto sa langit.

Taposa ang bersikulo. Basaha ang I Juan 5:13.

Gisulatan ko \_\_\_\_\_ niini aron kamong  
tanang nagtuo sa ngalan sa \_\_\_\_\_ sa Dios  
\_\_\_\_\_ nga kamo may \_\_\_\_\_  
walay kataposan.

## 12. Linyahi ang pulong "Cristo" diha sa pulong Cristohanon.

Sag-uloha kining mga bersikuloha gikan sa Biblia.

"Hinunon, may midawat ug mituo kaniya; busa sila gihatagan niya sa katungod nga mahimong mga anak sa Dios." Juan 1:12

"Kay gihigugma pag-ayo sa Dios ang kalibotan ug tungod niini gihatag niya ang iyang bugtong Anak, aron ang tanan nga motuo kaniya dili mamatay, kondili makabaton hinunon sa kinabuhing dayon." Juan 3:16

"Gitudlo ko kaninyo ang akong nadawat nga hinungdanon kaayo, ug kini mao nga si Cristo namatay alang sa atong mga sala, sumala sa nahisulat sa Kasulatan." I Corinto 15:3

Gidawat na nimo si Jesus ingon nga personal nga Manluluwas ug mituo ka nga si Jesus mao ang Anak sa Dios, busa ikaw usa na sa Iyang mga anak.




## Leksiyon 2

### MAGKINABUHI ALANG KANG JESUS

Adunay usa lamang ka paagi nga makakinabuhi nga tinuod nga malipayon—kana mao ang pagkinabuhi alang kang Jesus.

Makita sa Biblia ang mga lagda nga gabayan pagkinabuhi sumala sa plano sa Dios alang kanato. Aniyay pipila ka mga lagda nga gihatag sa Dios aron makakinabuhi kita nga malinawon ug malipayon.



Ang Dios dili mopabuhat kanato ug bisan unsa nga walay saad sa Iyang pagtabang. Sa dihang masayop ka o makalapas sa Iyang sugo, kinahanglan mosugid ka Kaniya ug mangayog pasaylo. Ang Dios kanunayang naghulat nga mopasaylo kanimo.

Ang Dios sa gihapon nahigugma kanato bisan nakasala kita, apan dili gayod Siya mahimuot sa uban natong buhat. Sa gihapon ikaw Iya sa Dios.

Ang mga tawo nagtan-aw kanimo. Nasayod ka ba niana?



Sa dihang magduhaduha ka husto ba o sayop ang usa ka butang, pangutan-a ang imong kaugalingon niining mosunod:

*Gibuhat ko ba o gisulti ang makapahimuot sa Dios?*

*Naghunahuna ba ako o nagsulti sama kang Jesus?*

*Gibuhat ko ba ngadto sa uban ang gusto nako nga buhaton nila kanako?*

*Naluoy ba ako sa uban ug nahigugma kanila?*

*Andam ba ako nga magmatinabangon?*

Dunay mga higayon nga ikaw tintalon ni Satanas nga mobuhat ug daotan. Sa dihang mahitabo kini, pag-ampo ngadto sa Dios ug pangayog tabang Kaniya. Hinumdomi nga dili sala kon tintalon ka, apan sala kini kon magpadaog ka ug mobuhat sa daotan.

Ang Yawa imong kaaway. Malinglahon kaayo siya. Tinguha niya nga tintalon o ilaron ka aron magbuhat ug daotan. Mas gamhanan ang Dios kay kang Satanas. Tabangan ka sa Dios sa panahon sa kalisdanan. Basaha ang I Juan 4:4.



## UNSAY IMONG NAKAT-ONAN GIKAN SA IMONG GIBASA?

1. Pagsulat ug lima ka lagda nga imong ikinabuhi.

---

---

---

---

---

2. Unsay buhaton sa Dios alang kanato sa dihang isugid nato ang atong sala? Basaha ang I Juan 1:9.

---

3. Lingini ang hustong tubag.

Ang mga tawo nagtan-aw kanato.  Oo  Wala

Ang mga tawo naminaw sa atong mga sulti.  Oo  Wala

Ang Dios buot nga magmaluluy-on ako.  Oo  Wala

4. Butangi ug / kon tinuod ang gisulti.

\_\_\_\_\_ Kinahanglan ako mag-ampo ngadto sa Dios kada adlaw.

\_\_\_\_\_ Kinahanglan mobuhat ako ug maayo kausa sa usa ka semana.

\_\_\_\_\_ Kinahanglan motuman ko sa Pulong sa Dios kon ganahan ko.

5. Kinsa ang nagtinguha pagtintal/pag-ilad kanato nga mobuhat ug daotan?

ANG DIOS

SI SATANAS

SI JESUS

6. **Tinuod o Bakak** Lingini ang hustong tubag.

Ang Dios maoy motabang nako panahon sa kalisdanan.

TINUOD

BAKAK

Ang Yawa nagtinguha pagtintal kanako nga mobuhat ug daotan.

TINUOD

BAKAK

Ang pagpatintal usa ka sala.

TINUOD

BAKAK

7. Kinsa ang **MAS KUSGAN** ug **GAMHANAN** kay kang **Satanas**?

— — — — —

8. Tintalon ba kita sa Dios? Basaha ang Santiago 1:13.

\_\_\_\_\_ Oo

\_\_\_\_\_ Dili

9. Basaha ug sag-uloha kini nga bersikulo.

"Kon maghigugmaay kamo, mahibalo ANG TANAN nga kamo akong mga tinun-an." Juan 13:35

10. Kopyaha ang saad sa Dios alang kanato diha sa Mateo 28:20.

"Ako mag-uban kaninyo sa kanunay hangtod sa kataposan sa kalibotan." Mateo 28:20b

---

---

---







### **Leksiyon 3**

## **PAGBASA SA IMONG BIBLIA**



Sama nga ikaw nagkinahanglan ug pagkaon aron motubo sa panglawas, kinahanglan mobasa usab sa Biblia aron motubo sa espirituhanon nga kinabuhi.

Ang Biblia maoy mensahe sa Dios sa katawhan nga nagpuyo dinhi sa kalibotan. Alang kini sa tanang katawhan bisan unsa nga pangidaron. Usa kini ka dakong libro nga adunay 66 ka libro sulod niini—39 ang Daang Tugon ug 27 ang Bag-ong Tugon.

Ang pagbasa sa Biblia adlaw-adlaw makatabang kanimo...

- nga makat-on mahitungod kang Jesus, ang Anak sa Dios.
- nga mahibalo unsay gipaabot sa Dios kanimo.
- sa dihang mingaw o masulob-on ka.
- sa dihang magkinahanglan ka ug tabang nga maghimo ug desisyon.
- nga motubo ingon nga Cristohanon.

Basaha ang imong Biblia **KADA ADLAW**. Makakat-on ka usab pinaagi sa pagbasa sa imong libro sa Sunday school, mga basahon ug uban pang sugilanon gikan sa Biblia.

Basaha ang imong Biblia BISAN ASA ka—sa balay, sa bakasyon, sa simbahan, sa Sunday school, sa kuwarto, sa gawas, bisan asa, bisan kanus-a.

PAMALANDONG samtang magbasa ka sa Biblia. Sa dihang dili ka makasabot pag-ampo nga tabangan ka sa Dios aron makasabot. Pangutan-a ang imong titser sa Sunday school o pastor mahitungod sa mga butang nga wala nimo masabti.

Basaha ang imong Biblia sa HILOM o KUSOG. Hunahunaa unsay isulti sa Dios kanimo diha sa Iyang Pulong, ang Biblia.

Basaha ang imong Biblia nga IKAW LAMANG USA o nga ADUNAY KAUBAN.

## ASA KA KINAHANGLAN MOSUGOD SA PAGBASA?

Makapili ka sa imong gusto. Mahimong mosugod ka sa libro sa Genesis o sa Bag-ong Tugon. Ang ebanghelyo ni San Lucas diha sa Bag-ong Tugon maoy maayong sugdan sa pagbasa.



## UNSAY IMONG NAKAT-ONAN SA IMONG GIBASA?

I. Ihan-ay ang mga letra aron imong masayran unsay imong buhaton karon nga Cristohanon ka na.

Bhasaa

nga

Blibai

\_\_\_\_\_

\_\_\_\_\_

\_\_\_\_\_

2. Isulat ang duha ka butang nga mahitabo sa imong pagbasa sa Biblia.

---

---

3. Butangi ug / kon husto ang gisulti.

\_\_\_\_\_ Kinahanglan nakong basahon ang akong Biblia kada adlaw.

\_\_\_\_\_ Makabasa lang ko sa akong Biblia didto sa simbahan.

\_\_\_\_\_ Ang Biblia, Pulong sa Dios.

4. Kinsa ang makatabang nako pagpasabot unsay akong gibasa sa Biblia.

---

5. Basaha ang Salmo 119:105. Unsa man ang Pulong sa Dios kanimo?

S \_ \_ \_ \_ \_ nga magtultol kanako ug \_ \_ \_ \_ \_ sa akong agianan.

6. Isulat ug sag-uloha kining mga bersikuloha:

"Matapos ang langit ug ang yuta, apan dili gayod mapakyas ang akong gisulti." Mateo 24:35

---

---

"Giampingan ko ang imong balaod sulod sa akong kasingkasing, aron dili ako makasala kanimo." Salmo 119:11

---


---

"Ang imong pulong maoy suga nga magtultol kanako ug kahayag sa akong agianan." Salmo 119:105

---

---

7. Sa among balay adunay \_\_\_\_\_ ka mga Biblia.
8. Sulati ang Dios mahitungod sa Biblia ug unsay kahulogan niini alang kanimo.



Ginoong Dios,

Imong ngalan

9. Ang akong paboritong bersikulo mao:

\_\_\_\_\_ : \_\_\_\_\_



## Leksiyon 4

### PAKIGSULTI SA DIOS

Ang pagpakigsulti sa Dios nga imong langitnong Amahan, gitawag ug "pag-ampo." Buot ka nga makigsulti sa Dios sa kanunay sumala sa gisulti sa Biblia diha sa I Tesalonica 5:17—"Pag-ampo sa tanang panahon." Makaampo kita bisan kanus-a ug bisan asa.

Ang Dios kanunayng andam nga maminaw sa atong mga pag-ampo, kusog man kini o hilom lang. Ang Dios dili matulog, busa makaampo ka Kaniya bisan kanus-a, sa adlaw o gabii. Dili gayud Siya busy.

*Aniay pipila ka mga gisugyot nga higayon sa pag-ampo:*

Una magsugod ang imong adlaw—pag-ampo nga tabangan ka Niya.

Sa dili pa mokaon—pasalamat Siya sa pagkaon.

Sa dihang mahadlok ka—pangayo ug kaisog.

Sa dihang mag-inusara ka o masulob-on—pag-ampo nga lya kang lipayon.

Sa dihang magkinahanglan ka—pag-ampo ug tuhi nga Siya mosangkap sa imong gikinahanglan.

Sa dihang nakasala ka—pangayo ug pasaylo.

Sa dihang aduna kay balatian—pag-ampo ug kaayuhan.

Sa dihang nagkinahanglan ka ug tabang—pag-ampo nga tabangan ka Niya.

Sa dili pa matulog sa gabii—pag-ampo nga bantayan ug panalipdan ka Niya.

Aniay pipila ka mga butang nga hinumdoman sa dihang mag-ampo ka:

- Pasalamat Siya sa espesyal nga Iyang gibuhathang alang kanimo.
- Hinumdomi ang imong pamilya, mga higala, inyong simbahan, mga pastor ug misyonero.
- Sultihi ang Dios sa imong problema ug mga kinahanglan.
- Sa pagtapos sa imong pag-ampo, isulti kining mga pulonga: "Sa ngalan ni Jesus. Amen." (Tan-awa ang Juan 14:13,14.)

Gitudloan ni Jesus ang Iyang mga tinun-an unsaon pag-ampo. Diha sa Mateo 6:9-13, naghatag Siya ug sumbanan alang sa pag-ampo—



*"Amahan namo nga naa sa langit, simbahan unta ang ngalan mo; maghari ka unta kanamo, ug tumanon ang imong pagbuot dinhi sa yuta ingon nga gituman kini didto sa langit. Lhatag kanamo ang kalan-on nga among gikinahanglan karong adlaw; Ug pasaylo kami sa among mga sala, Ingon nga gipasaylo namo ang nakasala kanamo. Ayaw kami itugyan sa malisod nga pagsulay; luwasa hinuon kami sa Daotan. Kay imo ang gingharian, ang gahom ug himaya hangtod sa kahangtoran."*

Usahay mag-ampo ka nga kauban sa laing mga tawo, apan mahinungdanon nga aduna kay kaugalingong panahon alang sa Dios. Pakigsulti Kaniya sama sa imong pakig-estorya sa imong higala uban nimo. Mao kana ang pag-ampo.

Makaampo ka diha sa imong kuwarto, sa sakyanan, sa eskuwelahan, sa simbahan o bisan asa. Usahay mahimong moluhod, samtang sa laing higayon mopiyong ka lang. Sa

simbahan, tingali motindog o magliyok aron magkuptanay samtang mag-ampo.

Hinumdomi, ang Dios motubag sa pag-ampo. Usahay ang Iyang tubag, "Oo," usahay "Dili," ug usahay ang Iyang tubag, "Hulat." Motuman Siya kanunay sa Iyang mga saad—makasiguro gyod ka niana. Sa Roma 4:21 atong mabasa kining mga pulonga: "Kay nasiguro gayod niya nga tumanon sa Dios ang Iyang gisaad."

Ang Biblia nagsulti kanato sa pag-ampo alang sa usag-usa ug sa mga modaogdaog kanato.

Sa Santiago 5:16 "... pag-ampo alang sa usag-usa aron kamo mangaayo. Ang pag-ampo sa tawo nga matarong dakog kahimoan."

Sa Mateo 5:44 "... higugmaa ang inyong mga kaaway, ug pag-ampo kamo alang sa mga tawo nga nagpasipala kaninyo."



## UNSAY IMONG NAKAT-ONAN SA IMONG GIBASA?

1. Unsa man ang "pakigsulti sa Dios"? Butangi ug / ang hustong tubag.

\_\_\_\_\_ Pag-awit

\_\_\_\_\_ Pag-ampo

\_\_\_\_\_ Pagbasa

2. Unsay gisulti sa I Pedro 3:12 mahitungod sa pag-ampo?

Ang Iyang mga mata \_\_\_\_\_

Ang Iyang mga dalunggan \_\_\_\_\_

3. Kanus-a ka man makigsulti sa Dios?

---

4. Asa ka man makigsulti sa Dios?

---

5. Isulat ang "T" kon tinuod ang gisulti.

\_\_\_\_\_ Makaampo ako sa Dios bisan kanus-a, sa bisan asang dapita.

\_\_\_\_\_ Usahay ang Dios busy ug dili makapaminaw sa akong pag-ampo.

\_\_\_\_\_ Dili ko kinahanglan mag-ampo nga may mga kauban.

\_\_\_\_\_ Ang pagsugid sa sala ngadto sa Dios nagpasabot nga giangkon nako ang akong daotang binuhatan.

\_\_\_\_\_ Kinahanglan mag-ampo ako alang sa uban.

\_\_\_\_\_ Maayong batasan ang pag-ampo kada adlaw.

6. Kusga pagbasa ang "Amahan Namu" nga anaa sa Mateo 6:9-13, ug sag-uloha kini.

7. Lingini ang hustong tubag.

Kinahanglan moluhod ako kanunay sa dihang mag-ampo ko.

Oo                      Dili

Ang pag-ampo maoy pagpakigsulti sa Dios.

Oo                      Dili

Makaampo ako sa Dios bisan unsang panahona ug bisan asa.

Oo                      Dili





## **Leksiyon 5**

### **ANG DAPIT SA PAGSIMBA**

Ang simbahan maoy usa sa mga dapit diin kita makakat-on mahitungod kang Jesus ug sa Dios. Usahay ang simbahan gitawag nga "Balay sa Dios." Kini ang dapit diin magtigom ang tanang katawhan sa tanang pangidaron aron—

1. Mosimba ug mopasidungog sa Dios.
2. Magtuon pa gayod mahitungod sa Dios ug sa Iyang Anak, si Jesus.
3. Makigkita sa Cristohanong mga higala.
4. Makig-uban sa pamilya sa Dios.
5. Moawit, mag-ampo ug magtuon.
6. Mosugilon sa uban unsay gibuhad sa Dios alang kanato.
7. Magkalipay diha sa Cristohanong pakig-ambitay.
8. Motambong sa Sunday school.
9. Matudloan gikan sa Biblia.

Ang pagtambong sa Sunday school ug lainlaing mga buluhaton sa simbahan matag semana, makahatag kanimo ug daghang kahigayonan nga makat-on pa gayod gikan sa Biblia, ang Pulong sa Dios.

Dunay mga magtutudlo ug magbubuhat nga motudlo panahon sa Vacation Bible School, Bible clubs ug ubang mga buluhaton. Ang pagtuon pa mahitungod sa Dios makalig-on kanimo ingon nga Cristohanon, nagtubo nga Cristohanon. Busa mahinungdanon nga mosimba ka kanunay.

Kadaghanan sa mga tawo moadto sa simbahan sa adlawng Domingo. Apan adunay laing mga adlaw sa semana nga makaadto kita sa simbahan. Tingali ang inyong simbahan adunay laing mga buluhaton matag adlaw sa semana gawas sa Domingo.

Ang Dios nagsugo kanato nga dili kalimtan ang pag-adto sa simbahan. Basaha ang Hebreo 10:25. Nag-ingon ang Dios nga "Dili nato undangon ang batasan sa panagtigom, sama sa gibuhat sa uban."


*Nganong moadto man kita sa simbahan?* Kasagaran kini ang ipangutana sa mga kabataan. Aniy pipila ka mga katarongan nga hinumdoman:

Moadto kita sa simbahan tungod kay:

1. Ang Biblia nagsulti nga magtigom kita ug mosimba sa Dios.
2. Motubo kita nga makaila sa Dios pinaagi sa pagpaminaw sa mga pagtudlo ug pagwali.
3. Makahimamat ug makaila kita sa ubang Cristohanon.
4. Magkinahanglan kita ug panahon sa Cristohanong pakig-ambitay.
5. Magkinahanglan kita ug panahon nga maghunahuna gayod sa Dios.
6. Buot nato nga ipakig-ambit ang atong gugma alang sa Dios.

Adunay daghang buluhaton alang kanimo diha sa simbahan. Sa dihang makig-uban ka sa katawhan sa simbahan, makighiusa ka sa pagsimba sa Dios sa usa ka dapit.

Aniay lista sa walo ka mga butang nga mahitabo sa inyong simbahan.



Inig-adto nimo sa simbahan dad-a ang imong Biblia ug halad nga salapi.

Tungod kay ikaw sakop sa simbahan, kinahanglan magmatinahuron ka ug motabang sa paglimpiyo niini.

Buot nimong suginlan ang uban mahitungod sa inyong simbahan ug mo-imbatar kanila nga mokuyog kanimo sa simbahan.

Makalingaw ug makadasig ang pagtuon mahitungod kang Jesus ug sa Dios, nga atong Langitnong Amahan. Batasana ang pag-adto sa simbahan. Makatabang kini kanimo nga magkinabuhi sumala sa plano sa Dios kanimo.

## UNSA IMONG NAKAT-ONAN GIKAN SA IMONG PAGBASA?

1. Unsa man ang simbahan? (Butangi ug / kon tinuod ang gisulti.)

\_\_\_\_\_ Usa ka dapit alang sa pagsimba sa Dios.

\_\_\_\_\_ Usa ka dapit alang sa pag-awit ug pagdayeg.

\_\_\_\_\_ Usa ka dapit diin makat-on ug dugang pa mahitungod sa Dios.

\_\_\_\_\_ Usa ka dapit diin makig-away kita.

2. Taposa kining bersikuloha nga gikan sa Biblia: Hebreo 10:25

"Dili nato \_\_\_\_\_ ang batasan sa  
\_\_\_\_\_."

3. Lingini ang hustong tubag.

Kinahanglan bang motambong ako sa bisan asang simbahan?

Oo                      Dili

Kinahanglan ba ako kanunayng mosimba?

Oo                      Dili

Kinahanglan ba nga akong imbitaron ang uban?

Oo                      Dili

4. Asa man ang maayong dapit nga makatagbo ug bag-ong mga higala?

\_\_\_\_\_

5. Paglista ug walo (8) ka mga butang nga mahitabo sa simbahan.

\_\_\_\_\_  
\_\_\_\_\_  
\_\_\_\_\_  
\_\_\_\_\_

\_\_\_\_\_  
\_\_\_\_\_  
\_\_\_\_\_  
\_\_\_\_\_



6. Pagngalan ug duha ka butang nga kinahanglan imong dad-on sa simbahan.

\_\_\_\_\_

7. Unsay imong bation tapos ka makasimba?

\_\_\_\_\_

8. Unsa ang ngalan sa simbahan nga imong gitambongan?

\_\_\_\_\_

9. Unsay ngalan sa imong pastor?

\_\_\_\_\_

10. Unsa ang pipila ka mga buluhaton diha sa inyong simbahan?

\_\_\_\_\_

\_\_\_\_\_

\_\_\_\_\_



Makatabang ako diha sa simbahan pinaagi sa:



\_\_\_\_\_ niini.

Pagsulti \_\_\_\_\_ mahitungod niini.

Pag-imbatar sa uban nga moanhi sa \_\_\_\_\_.

Tun-i kining mga bersikuloha:



"Busa ang pagtuo naggikan sa pagpamati sa mensahe, ug ang mensahe naggikan sa pagwali kang Cristo." Roma 10:17

"Apan unaha ninyo pagpangita ang Gingharian sa Dios ug pagkinabuhi kamo uyon sa iyang kabubut-on, ug ang ubang mga butang ihatag niya kaninyo." Mateo 6:33





## Leksiyon 6

### PAGSULTI SA UBAN MAHITUNGOD KANG JESUS

Karon nga ikaw anak na sa Dios, buot nimo nga sultihan ang uban mahitungod kang Jesus. Mahimo kang saksi—usa nga mosulti unsay gibuhath ni Jesus alang kanimo.

Sa Marcos 5:19 si Jesus miingon: "Pauli sa imong panimalay ug sultih sila unsa kadako ang nahimo sa Ginoo kanimo, ug unsa siya kamaluluy-on kanimo." Kitang tanan adunay mga higala, silingan ug paryente nga wala makaila kang Jesus ingon nga ilang Manluluwas. Sultih gayod sila unsay gibuhath ni Jesus alang kanimo.

Aniay pipila ka mga butang nga kinahanglan imong mahibaloan sa dili ka pa mosulti sa uban mahitungod kang Jesus:

1. Hibalo nga ikaw usa ka Cristohanon. (Juan 5:24)
2. Hibalo nga ang Dios nahigugma sa matag usa. (Juan 3:16)
3. Hibalo nga ang matag usa nakasala. (Roma 3:23)
4. Hibalo nga ang matag usa kinahanglan mosugid sa iyang sala kang Jesus. (1 Juan 1:9)
5. Hibalo nga ang Dios nagsaad ug kinabuhing walay kataposan sa mga motuo kang Jesus ingon nga ilang Manluluwas. (Roma 6:23)
6. Hibalo nga si Jesus andam nga modawat sa matag usa nga moampo Kaniya. (Mateo 21:22)

Bisan kinsa sa imong mga higala o paryente nga mosugid sa ilang

mga sala ngadto kang Jesus ug mangayog pasaylo, sila usab mahimong sakop sa pamilya sa Dios sama kanimo. Hinumdomi, si Jesus namatay alang sa matag usa dinhi sa kalibotan.

*Ipahibalo sa imong bag-ong Cristohanong higala unsa kaimportante ang:*

1. Pagbasa sa ilang Biblia kada adlaw.
2. Pag-ampo sa Dios kada adlaw.
3. Pagtambong kanunay sa Sunday school ug simba.
4. Pagsulti sa uban mahitungod kang Jesus.
5. Pagkinabuhi ingon nga Cristohanon.

Adunay daghang paagi pagsugilon sa uban mahitungod kang Jesus. Aniyay pipila ka mga sugyot. Sulayi kini!

**SULTIHI ANG UBAN PINAAGI SA —**

1. Paggamit sa imong tingog. Isulti unsay gibuhath ni Jesus alang kanimo.
2. Paghatag ug basahon mahitungod kang Jesus.



3. Pagkinabuhi ingon nga Cristohanon.
4. Pagdapit kanila nga mosimba uban kanimo.
5. Pagsulat kanila mahitungod kang Jesus.

Buot ni Jesus nga mosulti kita sa uban mahitungod Kaniya. Makasalig ba Siya kanimo nga mosaksi alang Kaniya?

Oo, makasalig si Jesus kanako \_\_\_\_\_  
(isulat ang imong ngalan)

## UNSAY IMONG NAKAT-ONAN GIKAN SA IMONG PAGBASA?

1. Asa makita ang bersikulo sa Biblia nga nagsulti nga kinahanglan molakaw kita ug mosulti sa uban?

\_\_\_\_\_

2. Isulat ang "Oo" o "Dili" diha sa blangko.

A. Nakasala ang matag usa. \_\_\_\_\_

B. Ang Dios nahigugma lamang sa mga Cristohanon.

\_\_\_\_\_

K. Ang matag usa kinahanglan mosugid sa iyang mga sala. \_\_\_\_\_

D. Si Jesus kanunayng mopasaylo kanato. \_\_\_\_\_

3. Unsay imong isulti nga buhaton sa bag-ong Cristohanon? Butangi ug / kon husto ang gisulti.

\_\_\_\_\_ Mag-ampo sa Domingo lamang.

\_\_\_\_\_ Mobasa sa Biblia kada adlaw.

\_\_\_\_\_ Moadto sa simbahan kada Domingo lamang.

\_\_\_\_\_ Sultihi ang uban mahitungod kang Jesus.

\_\_\_\_\_ Magkinabuhi ingon nga Cristohanon.

4. Pagsulat ug duha ka paagi nga kita makasulti sa uban mahitungod kang Jesus.

\_\_\_\_\_

\_\_\_\_\_

5. Nganong sultihan man nato ang uban mahitungod kang Jesus?

\_\_\_\_\_



- 
6. Isulat ang ngalan sa tulo ka tawo nga imong sultihan mahitungod kang Jesus.

---

---

---

7. Isulat ang tulo ka mga butang nga kinahanglan imong hinumdoman sa dili ka pa mosulti sa uban mahitungod kang Jesus.

HIBALOI \_\_\_\_\_

HIBALOI \_\_\_\_\_

HIBALOI \_\_\_\_\_

8. Isulat ang mga reperensiya sa bersikulo (libro, kapitulo, bersikulo) nga makatabang nimo pagsulti sa uban.



---

---

---

---

---



- 
9. Balika ang mga bersikulo nga imong nasag-ulo na.

10. Sag-uloha kining bersikuloha—

"Si Jesus mitubag, 'Ako ang dalan, ang kamatuoran, ug ang kinabuhi; walay makaadto sa amahan kon dili moagi kanako.'" Juan 14:6

Kini ang importanteng mga bersikulo niini nga pagtulun-an nga maayong sag-ulohon.

Lucas 2:52

Mateo 24:35

Juan 3:36

I Juan 1:9

Marcos 11:24

Mateo 6:9

Inigkatapos nimo niining libroha, ipatan-aw sa imong magtutudlo aron iyang i-check ug iuli kanimo.





